

卷一百廿五

130-131

对



百廿五

✓

✓

五本

卷百廿一
五十四

五禮

五

八

卷五

十一

續文獻通考卷之一百三十

皇明進士雲間王圻纂輯

王禮考 乘輿鹵簿至百官儀從

皇明

國朝九鹵簿儀仗陳設俱隸兵部車駕司職掌若造作制度則別具工部職掌

凡正旦冬至 聖節會同錦衣衛陳鹵簿大駕於殿之東西

黃麾一對

絳引幡五對

續文獻通考

告止幡五對

傳教幡五對

信幡五對

龍頭幡五對

戈斃十對

戟斃十對

儀鎧斃十對

朱雀幢一

玄武幢一

青龍幢一

白虎幢一

金節三對

豹尾二對

羽葆幢三對

梧杖三對

立瓜三對

卧瓜三對

儀刀三對

戟十二對

斑劍三對

響節十二對

龍戟三對

鐙杖三對

金鉞三對

骨朵三對

金水灌一

金盆一

金脚踏一

金馬杌一

鞍籠一

紅紗燈籠一對

紅油紙燈籠三對

紫羅素方傘四把

紅羅素方傘四把

黃羅直柄繡傘四把

紅羅曲柄繡傘四把

紅羅單龍扇十把

黃羅單龍扇十把

黃羅雙龍扇二十把

紅羅雙龍扇二十把

紅羅素扇二十把

黃羅素扇二十把

紅羅繡雉方扇十二把

紅羅繡花扇十二把

玉輅一乘

大輅一乘

九龍車一乘

步輦一乘

馬十二疋

成祖永樂三年增定

肅靜旗一對

金鼓旗一對

金龍畫角二十四枝

鼓四十八面

金四面

金鉦四面

杖鼓四箇

笛四管

板四串

白澤旗一對

門旗四對

黃旗四十面

金龍旗十二面

日月旗二面

風雲雷雨旗四面

木火金水土星旗五面

列宿旗二十八面

北斗旗一面

東嶽旗一面

南嶽旗一面

中嶽旗一面

西嶽旗一面

北嶽旗一面

江河淮濟旗四面

青龍旗一面

白虎旗一面

朱雀旗一面

玄武旗一面

天廡旗一面

天馬旗一面

鸞旗一面

麟旗一面

熊旗一面

羆旗一面

紅纛二把

皂纛二把

紅節二把

小銅角二箇

大銅角二箇

纓頭一箇

豹尾一箇

麾一把

戲竹一對

簫十二管

笙十二攢

龍笛十二管

頭管十二管

方響四架

簫八架

琵琶八把

篳篥八把

杖鼓三十六箇

板四串

大鼓二面

弓矢百副

御杖六十根

誕馬二十四匹

釘頭六對

黃麾一對

絳引幡五對

傳教幡五對

告止幡五對

信幡五對

龍頭竿五對

豹尾二對

儀鎗十對

戈斃十對

戟斃十對

單戟三對

龍戟三對

斑劍三對

梧杖三對

立瓜三對

卧瓜三對

儀刀三對

金鏡三對

金鉞三對

骨朵三對

羽葆幢五對

青龍幢一

白虎幢一

朱雀幢一

玄武幢一

響節十二對

金節三對

方天戟十二對

鳴鞭四條

金馬杌一

金校椅一

金脚踏一

金水盆一

金水罐一

金香爐一

金唾盂一

金唾盂一

金唾壺一

拂子四把

紅紗燈籠六對

紅油紙燈籠三對

鮑燈三對

紫羅素方傘四把

紅羅素方傘四把

紅羅直柄華蓋繡傘四把

紅羅曲柄繡傘四把

紅羅直柄繡傘四把

黃羅曲柄繡傘二把

銀鈴全

黃羅直柄繡傘四把

青羅銷金傘三把

紅羅銷金傘三把

黃羅銷金傘三把

白羅銷金傘三把

黑羅銷金傘三把

黃油絹銷金雨傘一把

紅羅繡花扇十二把

紅羅繡雉方扇十二把

紅羅單龍扇十把

黃羅單龍扇十把

紅羅雙龍扇一十把

黃羅雙龍扇二十把

紅羅素扇二十把

黃羅素扇二十把

壽扇二把

黃羅銷金九龍傘一把

黃羅曲柄九龍傘一把

伏馬六匹

硃紅馬杓四箇

鞍籠二箇

金剛玲瓏香爐一箇

寶匣一座

板轎一乘

步輦一乘

大涼步輦一乘

大馬輦一乘

小馬輦一乘

玉輅一乘

大輅一乘

黃帳房一座

凡常日奉天門早朝設丹陛駕於午門外及金

水橋南

單龍戟三對

雙龍戟三對

班劍三對

梧杖三對

儀刀三對

立瓜三對

卧瓜三對

鐙杖三對

金鉞三對

骨朵三對

單龍扇二十把

雙龍扇二十把

黃蓋傘二把

黃曲柄傘二把

五方傘五把

鳴鞭四條

弓矢五十副

紅杖一對

清道旗一對

黃旗一對

絳引幡三對

儀教旗二對

告止幡二對

信幡二對

龍頭竿五對

儀鎗斃五對

戈斃五對

戟斃五對

梧杖三對

立瓜三對

卧瓜三對

儀刀三對

斑劍三對

鎗杖三對

金鉞三對

骨朵三對

響節六對

羽葆幢三對

紫方傘二把

紅方傘二把

黃銷金傘一把

黃繡曲柄傘二把

紅繡傘一把

紅素圓傘二把

紅繡雉方扇六把

紅繡花圓扇六把

青繡方扇六把

紅羅素圓扇六對

黃羅素圓扇六對

拂子二把

紅紗燈籠二對

紅油紙燈籠一對

鮫燈一對

金交椅一把

金脚踏一箇

金火盆一箇

金水罐一箇

金香爐一箇

金香盒一箇

金唾盂一箇

金唾壺一箇

行幃二葉

坐障二葉

輅一乘

安車一乘

郊祀吊喪臨祭

車駕出入合用某等羽儀導引會同

錦衣衛陳布

郊祀鹵簿大駕全設前期視牲用丹

陛駕其祭社稷鹵簿大駕內去白澤旗以下至玄武豹

尾大涼步輦

祭太廟山川並與社稷同

耕籍田

幸太學俱用鹵簿大駕

皇太子

親王出入合用儀仗依

制陳導如有損壞

移咨工部如法修飭

太子儀仗

金交椅一把脚踏全

金盆鏟一副手巾全

紅紵絲拜褥一條

青孔雀扇六把

花匡鼓二十四面

柁鼓二面

金鈺二面

金二面

板二串

笛二管

杖鼓二箇

小銅角一對

大銅角一對

纓頭一箇

戲竹一對

大鼓一面

板一串

杖鼓十二箇

龍笛二管

笙二攢

篳篥二把

箏二架

琵琶二把

方響二架

頭管二管

簫二管

領頭四對

絳引幡一對

傳教幡一對

告止幡一對

信幡一對

羽葆幢三對

儀鎗斃三對

戈斃三對

戟斃三對

梧杖二對

儀刀二對

斑斂二對

金鉞二對

立瓜二對

卧瓜二對

骨朵二對

鐙杖二對

及叉一對

戟十對

稍十對

夾稍一對

麾二把

青花扇四把

青方扇四把

紅繡直柄傘二把

全銀鈴

青方傘二把

紅羅銷金傘一把

紅羅銷金雨傘一把

羽葆幢三對

絳引幡一對

儀鎧三對

戈斃三對

戟斃三對

金節二對

響節六對

骨朵二對

金鉞二對

金鐙二對

立瓜二對

卧瓜二對

儀刀二對

斑劍二對

梧杖二對

戟六對

紗燈三對

鮑燈三對

帳房一座

幃幕一對

金馬杌一副

成祖永樂三年增定

令旗一對

清道旗二對

幟弩一張

刀盾十對

弓箭二十副

白洋旗二面

青旗二面

紅旗二面

黃旗二面

白旗二面

黑旗二面

青素旗二十面

金鼓旗二面

金龍畫角十二枝

幢一把

節一把

金節二對

響節六對

青方傘二把

紅方傘二把

紅銷金傘一把

紅繡直柄圓傘一把

紅繡曲柄圓傘二把

紅繡直柄傘二把銀鈴全

紅圓傘二把

青圓傘二把

紅油絹銷金雨傘一把

青繡孔雀圓扇六把

青繡花圓扇四把

紅繡花圓扇四把

紅繡孔雀方扇四把

青繡花方扇四把

誕馬八匹

鞍籠一箇

金馬杌一箇

金交椅一把

金腳踏一箇

拂子二把

紅紵絲拜褥一條

金水盆一箇

金水錐一箇

金香爐一箇

金香盒一箇

金唾盂一箇

金唾壺一箇

紅紗燈籠三對

紅油紙燈籠三對

鮑燈三對

杖馬二匹

鞍籠二箇

金輅一乘

青帳房一座

親王儀仗

金交椅一把脚踏全

間抹金盆錐一副

金香爐一箇

抹金銀香盒一箇

斑劍一對

儀刀四對

梧杖一對

響節四對

羽葆幢一對

絳引幡一對

骨朵一對

卧瓜一對

立瓜一對

金鉞一對

金鎗一對

儀鎗一對

父义一對

傳教幡一對

信幡一對

告止幡一對

金節一對

挑心帶一對

麾幢一對

戟十對

夾梢一對

梢十對

盾十對

戈斃一對

戟斃一對

紅羅銷金圓傘一把

紅羅曲蓋繡傘二把

紅羅繡圓傘二把

紅羅繡方傘四把

紅羅素圓傘二把

紅羅素方傘二把

紅絹銷金雨傘一把

紅繡方扇四把

紅羅繡圓扇四把

青羅繡孔雀圓扇六把

紅紗燈籠一對

成祖永樂三年增定

令旗一對

清道旗一對

攄琴一張

刀盾十對

弓箭二十副

白澤旗一對

金鼓旗一對

畫角十二枝

花匡鼓二十四面

杖鼓二箇

金鈺二面

鑼二面

搥鼓二面

板一串

笛二管

小銅角一對

大銅角一對

戲竹一對

大鼓一面

板一串

杖鼓十二箇

笛四管

頭管四管

絳引幡一對

傳教幡一對

告止幡一對

信幡一對

儀鎗一對

戈斃一對

戟斃一對

梧杖一對

儀刀二對

斑劍一對

立瓜一對

卧瓜一對

骨朵一對

金鉞一對

金燈一對

受义一對

戟十對

稍十對

夾稍一對

麾一把

幢一把

節一把

響節四對

紫方傘二把

紅方傘二把

紅銷金傘一把

紅繡圓傘一把

紅曲柄傘二把

紅油絹銷金雨傘一把

青繡圓扇四把

紅繡圓扇四把

紅繡方扇四把

誕馬八匹

鞍籠一箇

金馬杌一箇

拂子二把

間抹金銀交椅一把

間抹金銀脚踏一箇

間抹金銀水盂一箇

間抹金銀水罐一箇

渾抹金銀香爐一箇

渾抹金銀香盒一箇

間抹金銀唾盃一箇

間抹金銀唾壺一箇

紅紵絲拜褥一條

紅紗燈籠二對

紅油紙燈籠二對

魷燈一對

象輅一乘

帳房一座

皇妃儀仗

令旗一對

清道旗一對

幟旗一張

刀盾八對

弓箭十八副

金鼓旗一對

畫角十枝

花巨鼓二十面

擗鼓一面

金鈺一面

鑼二面

板一串

笛二管

戲竹一對

大鼓一面

板一串

杖鼓八面

笛四管

頭管四管

絳引幡一對

傳教幡一對

告止幡一對

信幡一對

梧杖一對

儀刀二對

立瓜一對

骨朵一對

斧一對

戟八對

稍八對

麾一把

幢一把

節一把

響節三對

紅銷金圓傘一把

紅圓傘一把

紅曲柄傘二把

紅方傘二把

青圓扇四把

紅圓扇四把

誕馬四匹

鞍籠一箇

間抹金銀馬杌一箇

拂子二把

間抹金銀交椅一把脚踏全

間抹金銀水盆一箇

間抹金銀水罐一箇

經文通考
渾抹金銀香爐一箇

渾抹金銀香盒一箇

紅紵絲拜褥一條

紅紗燈籠二對

鮑燈一對

帳房一座

東宮妃儀仗

紅杖一對

清道旗一對

絳引播一對

儀鯨斃一對

戈斃一對

戟斃一對

梧杖一對

儀刀一對

斑斂一對

立瓜一對

卧瓜一對

鎗杖一對

骨朵一對

金鉞一對

響節二對

青方傘二把

紅繡圓傘一把

紅素圓傘二把

紅繡方扇四把

紅繡花圓扇四把

青繡圓扇四把

渾抹金銀交椅一把

渾抹金銀脚踏一箇

拂子二把

渾抹金銀水盆一箇

渾抹金銀水罐一箇

渾抹金銀香爐一箇

渾抹金銀香盒一箇

紅紗燈籠二對

鳳轎一乘

小轎一乘

行障二葉

坐障二葉

親王妃公主世子妃儀仗

紅杖一對

清道旗一對

絳引幡一對

戟斃一對

梧杖一對

儀刀一對

斑斕一對

五瓜一對

卧瓜一對

骨朵一對

制

鎗杖一對

響節二對

青方傘二把

紅彩畫雲鳳傘一把

青孔雀圓扇四把

紅花圓扇四把

間抹金銀交椅一把

間抹金銀脚踏一箇

間抹金銀水盆一把

間抹金銀水罐一箇

紅紗燈籠二對

拂子二把

鳳轎一乘

小轎一乘

行障二葉

坐障一葉

郡王妃儀仗

紅杖一對

清道旗一對

絳引幡一對

戟斃一對

梧杖一對

斑斕一對

立瓜一對

骨朵一對

響節一對

青方傘二把

紅圓傘一把

青圓傘二把

紅圓扇二把

間抹金銀交椅一把

間抹金銀脚踏一箇

拂子二把

紅紗燈籠一對

間抹金銀水盆一箇

間抹金銀水罐一箇

翟轎一乘

行障一葉

坐障二葉

郡主儀仗

紅杖一對

清道旗一對

斑斕一對

梧杖一對

立瓜一對

骨朵一對

響節一對

青方傘一把

紅圓傘一把

青圓扇二把

紅圓扇二把

間抹金銀交椅一把

間抹金銀脚踏一箇

間抹金銀水盆一箇

間抹金銀水罐一箇

拂子二把

翟轎一乘

行障二葉

坐障一葉

官員儀從

凡文武百官自四品以上儀從並依舊制從宜五品官止許引導一人六品以下不許引導其出郊在外儀從仍依舊制不拘此例

太祖洪武二十四年更定官員儀從公十人侯八人伯六

人一品至三品六人四品至六品四人七品至九品二人其役使奴婢公侯之家不過二十人一品不過十二人二品不過十人三品不過八人

憲宗成化元年令凡在京官出外四品以上引導三對用錫槩鋼叉藤棍七品以上引導二對用錫槩藤棍在外方面堂上官引導三對用錫槩鋼叉藤棍各府及鹽運司等衙門四品以上官引導二對用錫槩藤棍七品以上引導一對用藤棍八品九品用竹篋一對引導雜職不許引導若府州縣官催徵用竹篋荆杖巡捕用叉刀

續文獻通考卷之一百三十終
之類導引者不在禁限其京官回還鄉里本府州縣並不許引導及責罰吏民違者從巡按御史按察司官究治若風憲官僭用亦許諸司指實具奏

續文獻通考卷之一百三十終

續文獻通考卷之一百三十一

王禮考 國恤上

宋

寧宗時待制侍講朱熹劄論喪服曰臣聞三年之喪齊疏之服飢粥之食自天子達於庶人無貴賤之殊而禮經勅令子為父嫡孫承重為祖父皆斬衰三年蓋嫡子當為後以承大宗之重而不能襲位以執喪則嫡孫繼統而代之執喪義當然也然自漢文短喪之後歷代因之天子遂無三年之喪為父且然則嫡孫承重後可知已

人紀廢壞三綱不明千有餘年莫能釐正及我大行至
尊壽皇聖帝至性自天孝誠內發易月之外猶執通喪
朝衣朝冠皆以大布起越千古拘攣牽制之弊革去百
王衰陋卑薄之風甚盛德也所宜著在方冊為世法程
子孫守之永永無斁而間者遺詔初頒太上皇帝偶違
康豫不能躬就喪次陛下實以世嫡之重仰承大統則
所謂承重之服著在禮律所宜一遵壽皇已行之法易
月之外且以布衣布冠視朝聽政以代太上皇帝躬執
三年之喪而一時倉卒不及詳議遂用漆紗淺黃之服

不唯上違禮律無以風示天下且將使壽皇已革之弊
去而復留已行之禮舉而復墜臣愚不肖誠竊痛之然
既往之失不及追改惟有將來啟殯發引禮當服初喪
之服則其變除之節尚有可議欲望陛下仰體壽皇聖
孝成法明詔禮官稽考禮律預行詳定其官吏軍民男
女凶喪之禮亦宜稍為之制勿使過為華靡布告郡國
咸使聞知庶幾漸復古制而四海之衆有以著於君臣
之義實天下萬世之幸 嘉定十七年帝崩皇太后皇
帝始御素幄垂簾聽政宰執奏垂簾外朝之禮請酌高

宗典故而行從之

理宗寶慶元年帝居寧宗喪詔以日易月之制雖已仰遵先帝遺烈然吾與嗣君心實未安宮中自服三年 眞德秀曰三年之喪行于宮壺非特哀麻在躬而已哀慕之存于心者不可頃刻忘憂感之形于色者不可斯須已古者卒哭而廬居小祥而聖室今雖未能如昔然居處之制不可不極其朴素也古者服喪非有疾不飲酒食肉今雖未能如昔然饗人大官之饌不可不極其菲儉也古者終喪不處于內食雖未能如昔然防微謹獨

遠聲色不可不極其嚴也食則見先帝于羹立則見先帝于墻庶幾不負罔極之恩丕昭純孝之實倘因移御之適凡所以自奉者少異于居喪之儀則雖哀麻在躬猶不服也 二年八月寧宗皇帝大祥上詣几筵行奠祭禮 紹定五年大行太皇后遺詔國事方殷母痛過哀宜從權制皇帝成服三日聽政喪紀以日易月大臣更加開釋勿致摧傷百官入臨隨地之宜諸道州府長吏以下三日釋服在京禁音樂百日在外一月毋禁祠祀嫁娶沿邊不用舉哀羣臣七上表皇帝聽政詔朕惟

皇天降割大行皇太后上仙哀痛固極但內朝大典不敢輕有改更朕於宮中自服三年之喪 乙巳上詣慈明殿行大祥祭奠禮 景定五年帝崩遺詔如紹定五年故事

遼

太祖天顯元年七月征勃海還至扶餘府崩時大星殞幄前黃龍繞城上後改扶餘為黃龍府 八年十一月以太皇太后崩遣使告哀于唐及人皇王 十年正月太宗后崩于行在五月始制服行喪

世宗天祿二年四月南唐以太宗崩遣李訓王祚來慰 穆宗應歷元年九月以世宗崩遣劉承訓告哀于漢周南唐各遣使來吊

聖宗統和二十七年十二月皇太后崩于行宮遣使告哀于宋夏高麗次年宋高麗各遣使來吊祭即遣使餽大行皇太后遺物于宋并謝吊祭 太平十一年六月聖宗崩遣使告哀于宋夏高麗夏高麗遣使吊慰來賻 是月奉大行皇帝梓宮殯于永安山太平殿皇太后率皇族大臨詔寫大行皇帝御容因寫北府宰相蕭孝先

續文獻通考 卷之三百三十一
南府宰相蕭孝穆像于御容殿八月遷梓宮于敢塗殿
十一月率百官掩奠出服御焚之

道宗清寧元年八月興宗崩如聖宗故事 四年正月太

皇太后崩如清寧故事 太康二年三月皇太后崩如

清寧故事 壽隆七年六月道宗崩于遊仙殿有司奉

喪服天祚帝問總知翰林事耶律固始服斬衰皇族外

戚使相矮墩官及郎君服如之餘官及承應人皆白帛

衣中以入哭臨惕隱三父房南府宰相遙輦常袞九奚

首郎君夷離畢國舅詳穩十押撒郎君南院大王郎君

各以次薦奠進鞍馬衣一襲犀玉帶等物表列其數讀

訖焚表諸國所賻器物親王諸京留守奠祭進賻物亦

如之小殮前一日皇帝喪服上香奠酒哭臨其夜北院

樞密使契丹行宮都部署入小殮翼日遣北院樞密副

使林牙以所賻器物置之幽宮行墓禮 是時宋高麗

夏國各遣使慰奠

宋使祭奠吊慰儀 太皇太后至敢塗殿服喪服太后

于北間南面垂簾坐皇帝于南間北面坐宋使至幕次

宣賜素服皂帶更衣訖引南北臣僚入班立定自矮墩

以下並上殿依位立先引祭奠使副捧祭文由南洞門入殿上下臣僚並舉哀至丹墀立定西上閣門使自南階下受祭文上殿啟封置于香案爇止祭奠禮物列殿前引使副南階上殿至褥位立揖再拜引大使近前上香退再拜大使近前跪捧盞進奠酒三教坊奏樂送再拜揖中書二舍人跪捧祭文引大使近前俛伏跪讀訖舉哀引使副下殿立定爇止禮物擔牀出畢引使副近南面北立引吊慰使副由南洞門入西使同見大行皇帝靈再拜引出歸幕次皇太后別殿坐服喪服先引

北南面臣僚並于殿上依位立吊慰使副捧書匣右入當殿立閣門使右下殿受書匣上殿奏封全開讀訖引使副南階上殿傳達吊慰訖退下殿立引物禮擔牀過畢引使副及南北面立引祭奠使副入四使同見鞠躬再拜不出班奏聖躬萬福再拜出班謝面天顏又再拜立定宣徽傳聖旨撫問就位謝再拜引出歸幕次皇帝御南殿服喪服使副入見如見皇太后儀加謝遠接撫問湯藥再拜次宣賜使副并從人祭奠使副別賜讀祭文例物即日就館賜宴高麗夏國奉吊進賻等使禮畧

如之道宗崩天祚帝問禮于耶律固宋國遣使吊及致祭歸贈皇帝喪服寓遊仙之北別殿使入門皇帝哭使者詣柩前上香讀祭文訖又哭有司讀遺詔慟哭使者出少頃復入陳賻贈于柩前皇帝入臨哭退更衣寓遊仙殿南之幄殿使者入見且辭勅有司賜宴于館宋使告哀儀 皇帝素冠服臣僚皂袍皂鞋帶宋使奉書右入丹墀內立西上閣門使右階下殿受書匣上殿欄內鞠躬奏封全開封于殿西案授宰相讀訖皇帝舉哀舍人引使者右階上欄內俛伏跪附奏起居訖俛伏

興立皇帝宣問南朝皇帝聖躬萬福使者跪奏來時皇帝聖躬萬躬起退舍人引使者右階下殿于丹墀西面東鞠躬通事舍人通使者名某祇候見再拜不出班奏聖躬萬壽再拜出班謝面天顏再拜又出班謝遠接撫問湯藥再拜贊祇候引出就幕次宣賜衣物引從人入通名拜奏聖躬萬福出就幕賜衣如使者之儀又引使者入西殿鞠躬贊謝恩再拜有勅賜宴再拜贊祇候出就幕次宴引從人謝恩拜勅賜宴皆如初宴畢歸館宋使進遺留禮物儀 百官昧爽朝服殿前班立宋遺

留使告登位使副入內門館伴副使引謝登位使就幕
次坐館伴大使與遺留使副奉書入至西上閣門外
位立閣使受書匣置殿西階下案引進使引遺留物于
西上閣門入即于廊下橫門出皇帝升殿坐宣徽使押
殿前班起居畢引宰臣押文武班起居引中書令西階
上殿奏宋使見膀子契丹臣僚起居控鶴官起居遺留
使副西上閣門入面殿立舍人引使副西階上殿附奏
起居訖引西階下殿于殿墀東西面鞠躬通名奏聖躬
萬福如告哀使之儀謝面天顏謝遠接撫問湯藥引遺

留使從人見亦如之次引告登位使副奉書匣于東上
閣門入面殿立閣使東階下殿受書匣中書令讀訖舍
人引使副東階上殿附奏起居引下殿南面立登位禮
物入即于階下橫門出退西面鞠躬附奏起居謝面天
顏遠接等皆如遺留使之儀宣賜遺留登位西使副并
從人衣物如告哀使應坐臣僚皆上殿就位立分引西
使副等于西廊立皇帝問使副衝涉不易丹墀內五拜
各引上殿祇候位立大臣進酒皇帝飲酒契丹通漢人
贊殿上臣僚皆拜稱萬歲贊各就坐行酒殺茶饌饅頭

果從人出水飯畢臣僚皆起契丹通漢人贊皆再拜稱
萬歲各祇候獨引宋使副下殿謝五拜引出控鶴官門
外祇候報閣門無事供奉官捲班出

高麗夏國告終儀 先期于行宮左右下御帳設使臣
幕次于東南至日北面臣僚各常服其餘臣僚並朝服
入朝使者至幕次有司以嗣子表狀先呈樞密院准備
奏呈先引北面臣僚併矮墩以上近御帳相對立其餘
臣僚依班位序立引告終人使右入至丹墀面殿立引
右上立揖少前拜跪奏訖宣問若嗣子已立躬身受聖

旨奏訖復位嗣子未立不宣問引右下丹墀面北鞠躬
通班畢引面殿再拜不出班奏聖躬萬壽再拜出班謝
面天顏復位再拜出班謝遠接復位再拜贊祇候退就
幕次再入依前面北鞠躬通辭再拜叙戀闕再拜贊好
去禮畢

金

太祖天輔七年八月崩十二月遣勃堇李靖如宋告哀至
太宗天會二年四月宋遣使來吊 十三年正月太宗
崩遣使告哀于齊高麗夏三月齊高麗遣使吊祭詔諸

國使賜宴不舉樂 海陵貞元元年四月皇太后大氏崩詔尚書省應隨朝官至五月一日方治事中都自四月十九日為始禁樂一月外路自詔書到日後官司三日不治事禁樂一月聲鐘七晝夜

世宗大定二十一年二月元妃李氏以疾薨詔允蹈允齋允德皆服衰經居喪已丑皇太子及扈從臣僚奉慰于芳明殿辛卯留守官平章政事唐括安禮曹王允功等上表奉慰 二十九年正月世宗崩以大理卿王元德等報哀于宋高麗夏遣使來吊祭

章宗明昌二年正月皇太后崩遣使報哀于宋夏高麗明年正月以皇太后喪不受朝 三月尚書省以孝懿皇后小祥請依明昌元年世宗忌辰例諸王陪位服繆紫去金玉之飾百官不視事禁音樂屠宰從之 時孝懿皇后梓宮在殯太傅徒單克寧薨章宗欲親為燒飯右諫議大夫張暉奏曰仰惟聖慈追念勲臣恩禮隆厚孰不感動太祖時享尚權停若為大臣燒飯禮有未安乃止又霍王從葬母早死溫妃石抹氏養之明昌六年溫妃薨上問從葬喪服暉奏慈母服齊衰三年桐杖布冠

禮也從葬近親至尊壓降與臣下不同乞于未葬以前
服白布衣絹巾既葬止用素服終制朝會從吉上從其
奏

宣宗元光元年十二月庚寅崩哀宗奉遺詔即皇帝位于
柩前次年正月改元正大庚子工居廬百官始奏事

元之喪禮不可考大抵因其國俗殮用貂皮襖皮帽靴鞮
繫腰盆鉢俱用白粉皮為之殉以金壺瓶二盞一碗碟
匙筋各一殮訖用黃金為籜四條以束之輿車用白氈
青綠納石失為簾覆棺亦以納石失為之前行用蒙古

巫媪一人衣新衣騎馬牽馬一疋以黃金飾鞍輿飾以
納石失謂之金靈馬

按草木子云棺用楠木二片鑿空其中類人形小大合
為棺置遺體其中送至直北園寢之地深埋之用萬馬
蹴平候草青方已使同平坡無復考誌遺跡

皇明

大行皇帝喪禮

太祖洪武三十一年定一天下臣民令到出三日皆釋
服嫁娶飲酒皆無禁一母發民哭臨宮殿中當臨者

皆以旦晡各十五舉哀禮畢非旦晡臨毋得擅哭一
當給喪事及哭臨者皆毋跣經帶毋過三寸無布車兵
器一諸王各于本國哭臨不必赴京中外管軍戍守
官員毋得擅離信地許遣人至京一王國所在文武
衙門官民軍士今後一聽朝廷節制護衛官軍王自
處分一諸王不在令中者皆以此令比類從事
本部議奏事宜一在京五府六部等衙門官員聞喪
次日各易素服烏紗帽黑角帶赴內府聽宣遺詔
畢於本衙門齋宿素服朝晡詣几筵哭仍各置孝服

至第四日成服朝晡哭臨至葬畢而止仍自成服日為
始服孝服二十七日而除其命婦亦于第四日各具孝
服由西華門入哭臨不許戴金銀首飾一諸王世
子郡王王妃郡王妃郡主內使宮人等俱服斬衰三年
自聞喪第四日成服為始二十七月而除凡臨朝視事
素服烏紗帽黑角帶退朝服衰服一官員麻布大袖
圓領不緝邊麻布帽就用所帶帽以布裹之仍垂帶麻
腰經麻鞋一命婦麻布大袖圓領長衫麻布蓋頭
一冥器行移工部及內府司設監等衙門成造照依

生存所用鹵簿器物名件 一作神主用栗木為之制
度依家禮 一差行人齋捧 遺詔前去各布政司并
直隸府州衙門開讀 一在外大小衙門文武官員人
等 詔書到日素服烏紗帽黑角帶行四拜禮跪聽宣
訖舉哀再行四拜禮畢仍各置孝服至第四日成服為
始每旦率合屬官僚人等于本衙門朝 闕設香案哭
臨三日而除 一在外大小衙門各令官一員赴京致
祭所用香燭祭物本部備辦

先是吳元年 上至濠州追念 仁祖太后始塋時禮

有未備議欲改葬問博士許存仁等改葬典禮當何據
存仁等曰禮改葬易常服用總麻塋畢除之今當如其
禮 上愴然曰改葬雖有常禮父母之恩豈能盡報耶
命上司制素冠白纓衫經皆以麤布為之起居注王禕
曰比總為重矣 上曰與其輕也寧重時 言改葬恐
泄山川靈氣乃不復起塋但增土以培其封陵旁居民
汪文劉英于 上有舊召至慰撫之遂令招致隣黨二
十家以守陵墓命有司復其家

成祖永樂二十二年定喪服禮儀一遵 太祖皇帝遺制

本部議奏事宜 一宮中自 皇太子以下成服日為始服斬衰二十七月而除 親王世子郡王及王妃世子妃郡王妃公主郡主以下聞喪皆哭盡哀而止拜三叩頭禮第四日成服斬衰二十七月而除凡 王視事素服烏紗帽黑角帶退服衰服服內並停音樂嫁娶其祭祀止停百日 一在京文武官初聞喪素服烏紗帽黑角帶明日清晨詣思善門外哭五拜三叩頭退各置斬衰服于本衙門宿歇不飲酒食肉第四日成服具衰服詣思善門外朝夕哭臨三日又朝臨十日

洪熙後朝臨七日

各十五舉聲成服日為始服衰服二十七日凡入朝及衙門視事用布裹紗帽垂帶素服腰經麻鞋退服衰服二十七日之外素服烏紗帽黑角帶二十七月而除聽選辦事等官服衰服監生吏典僧道人等素服以成服日為始皆赴順天府朝 闕設香案朝夕哭臨三日又朝臨十日

洪熙後朝臨七日

各十五舉聲仍各素服二十七日

而除文武官命婦聞喪第四日各服麻布大袖圓領長衫麻布蓋頭清晨由 西華門入哭臨三日命婦去金銀首飾素服二十七日凡音樂祭祀官員軍民人等停

一月軍民素服二十七日凡粧飾俱二十七日一在外俱以聞喪日為始令到之日文武官員素服烏紗帽黑角帶行四拜禮跪聽宣讀訖舉哀再行四拜禮畢各置斬衰服于本衙門宿歇不飲酒食肉第四日成服每旦率合屬官僚人等服齋服就本衙門朝闕設香案朝夕哭臨三日又朝臨十日洪熙後無朝臨十日禮各十五舉聲成服日為始服哀服二十七日衙門視事用布裹紗帽垂帶素服腰經麻鞋退服哀服二十七日後素服烏紗帽黑角帶二十七月而除文武官命婦聞喪素服舉

哀三日各十五舉聲去金銀首飾素服二十七日而除軍民男女皆素服一十三日凡音樂祭祀官員軍民人等並停百日男女嫁娶官員停百日軍民停一月一在京文武官孝服每員官給麻布一疋自製四夷使臣工部造與孝服諸王公主遣官及內府文武官員人等詣几筵祭祀者光祿寺備祭物翰林院撰祭文引赴思善門外行禮各處進香官辭歸者諸王公主所遣臨期司禮監請旨給賜其方面官與路費鈔二十錠餘十錠一京城聞喪日為始寺觀各聲鐘三萬杵禁

屠宰四十九日 一上 尊謚儀前期三日齋戒前一
日遣官祭告 天地 宗廟 社稷如常儀是日內侍
官置 冊寶輿于 奉天門捧 冊寶置輿中 皇帝
具衰服詣 奉天門內侍官舉 冊寶輿導引官導
皇帝後隨降階陞輅百官序立金水橋南北向俟 冊
寶輿將至皆跪 冊寶輿過畢輿隨 皇帝後至思善
門外序立北向 皇帝降輅 冊寶輿由中門入至
几筵殿 丹陛上導引官導 皇帝由左門入內贊唱
執事官各司其事導引官導 皇帝就 丹陛上拜位

捧 冊寶官捧 冊寶由左門入至 几筵前分左右
立北向導引官奏四拜 皇太孫 親王 皇孫陪拜
丹陛上百官陪拜思善門外內贊及鴻臚寺官同時
傳贊四拜畢導引官導 皇帝由殿左門入詣 大行
皇帝神位前奏跪內贊及鴻臚寺官傳贊 皇太孫以
下及百官皆跪奏進 冊捧 冊官跪進 冊于 皇
帝之左 皇帝受 冊獻畢授捧 冊官置于案奏進
寶捧 寶官跪進 寶 皇帝受 寶獻畢授捧
寶官置于案奏宣 冊宣 冊官跪宣 冊于 皇帝

之左畢奏宣 寶如宣 冊儀奏俯伏興平身四拜傳

贊亦如之奏復位導引官導 皇帝由殿左門出就拜

位奏四拜傳贊同禮畢行祭禮導引官導 皇帝詣 几

筵前就拜位奏四拜畢奏跪獻酒畢贊讀祝讀祝官讀

畢亞獻終獻禮並如初奏四拜傳贊並同畢導引官導 皇

帝由左門入詣 神位前捧 冊寶授內侍官捧入導

引官導 皇帝入內置 冊寶畢奏叩頭畢導引官導

皇帝由左門出至 丹陛上奏禮畢傳贊同導引官導

皇帝還宮 一二十七日以後 皇帝服素冠麻衣

麻經臨朝退仍衰服 一葬祭等儀發引前三日行奏

告禮百官預齋戒三日遣官以葬期告 天地 宗廟

社稷 皇帝衰服告 几筵 皇太子 親王以下皆

衰服隨班行禮是日後百官衰服朝 一臨至發引日

止京師內外禁樂至祔祭日止禁屠宰至葬畢日止發

引前一日遣官祭金水橋 午門 端門 承天門

御橋 大明門 德勝門清河橋沙河京都應祀神祇

并經過去處應祀神祠是日設辭奠 皇帝 后妃

皇太子 親王以下皆衰服以序致祭司禮監禮部錦

衣衛官提督執事者設 大昇輿于 午門外依圖式
陳設塋儀於 午門外并 大明門外發引日設啟奠
內侍陳設禮饌拜位如常儀內導引官導 皇帝哀服
詣拜位 皇太子 親王以下各就拜位贊禮贊四拜
奠帛獻酒讀祝四拜舉哀興哀止望瘞禮畢內導引官
導 皇帝詣 几筵殿內稍東西向立 皇太子 親
王以下 丹陛上稍東立執事者陞徹帷幙等物拂拭
梓宮畢內侍徹啟奠內執事官進龍輜于 几筵殿
下設 真亭神帛輿 謚冊寶輿于 丹陛上設祖奠

如啟奠儀畢內導引官導 皇帝詣 梓宮前稍東西
向立導 皇太子由殿左門入立于 皇帝之南稍東
西向 親王以下俱于 丹陛上稍東西向立內侍于
梓宮前跪奏請 靈駕進發內侍捧 謚冊寶次捧
神帛由殿中門出各置輿內次捧銘旌由中門出執事
官陞捧 梓宮內執事持翼左右蔽 梓宮降殿內侍
官于 梓宮前跪奏請 梓宮陞龍輜執事官奉登龍
輜訖以綵帷飾 梓宮執翼仍列左右內侍繳扇侍衛
如儀列舊所 御儀仗居前 謚冊神帛真亭銘旌以

次而行內導引官導 皇帝由殿左門出 后妃 皇
太子 親王及宮眷後隨至 午門內設遣奠如祖奠
儀進帛爵讀祝官各隨地之所宜立內侍于 梓宮前
跪奏請 靈駕進發司禮監官率儀衛 謚冊寶輿等
前行 皇帝 后妃 皇太子 親王以下皆哭盡哀
內侍於 皇帝前跪奏請還宮內侍導引 皇帝還宮
后妃以下俱還宮執事昇 梓宮由中門出至 午
門外禮官跪奏請 梓宮陞大昇輿執事官奉 梓宮
陞輿訖禮官跪奏請 靈駕進發司禮監禮部錦衣衛

整視葬儀以次前行 皇太子 親王以下哭送 靈
駕出至 端門外行辭 祖禮執事官預設褥位于
太廟中香案前 梓宮至 端門外禮官跪奏請辭
祖導引官導 皇太子易常服詣 神帛輿前跪禮官
奉神帛授 皇太子 皇太子捧 神帛輿由廟街左
門入至 太廟褥位跪置 神帛于褥輿 皇太子正
立于 神帛後贊禮贊跪 皇太子跪禮官跪于 皇
太子之左奏 太宗文皇帝謁辭禮官輿贊禮贊俯伏
興 皇太子俯伏輿贊五拜三叩頭禮畢 皇太子跪

捧 神帛興仍由廟左門出至輿前以 神帛授禮官
禮官跪受 神帛安奉輿中訖跪奏請 靈駕進發
皇太子仍喪服 親王以下隨行 梓宮由 承天門
大明門中門出 皇太子 親王以下俱由左門出
步送至 德勝門外騎送至 陵在途并至 陵俱朝
夕奠哭臨 諸王皇親駙馬公侯伯及文武百官軍民
耆老四品以上命婦以序沿途設次致祭祭畢文武官
不係 山陵執事及分送者并命婦耆老悉還 大昇
輿行緣途每程預設校尉舁送選委內官同錦衣衛官

專一提督務在起止有節行步安徐緣途宿頓之處預
先搭蓋席殿仍量蓋席房以貯儀仗等物至 陵執事
官先陳龍輜于獻殿門外俟 大昇輿至禮官詣 大
昇輿前跪奏請 靈駕降輿升龍輜詣獻殿執事官奉
梓宮陞龍輜由中門入 皇太子 親王俱由左門
入詣獻殿安奉訖 謚冊寶等輿仍陳于前行安神禮
執事陳禮饌如常儀設 皇太子拜位于 梓宮前行
侍導 皇太子詣拜位贊四拜興贊跪奠酒讀祝俯伏
興贊四拜舉哀興哀止贊禮畢 親王以下陪拜如常

儀遣官祀后土并天壽山俟掩 玄宮設遷奠執事官
陳禮饌如常儀設 皇太子拜位于 梓宮前內侍導
皇太子詣拜位贊四拜興贊跪奠帛奠酒讀祝訖俯
伏興贊四拜舉哀興哀止望瘞 親王以下陪拜如常
儀退將掩 玄宮內侍導 皇太子 親王以下詣
梓宮前跪內侍奏請 靈駕赴 玄宮俯伏興執事官
陞奉遷 梓宮入 皇堂安奉訖內侍捧 謚冊寶置
于前陳列明器等畢行贈禮執事官陳禮饌于 皇堂
門外奉玉帛安置于香案前設 皇太子拜位于前內

侍導 皇太子詣拜位贊四拜興贊跪贊奠酒贊進贈
執事官捧玉帛跪進于 皇太子之右 皇太子受玉
帛獻畢以授內執事捧入 皇堂安置訖贊俯伏興
皇太子俯伏興贊四拜舉哀興哀止贊贈事畢內侍出
遂掩 玄宮掩畢行享禮于 玄宮前如遷奠儀遣官
祀后土及祭天壽山掩 玄宮將畢內侍設香案于
玄宮門外陳禮饌如儀設題 主案于香案前西向設
皇太子拜位于前北向內侍盥手出 主于案上題
主官盥手西向題 主畢內侍奉 主置于 神座

藏神帛于箱中置其後內侍跪奏請 太宗文皇帝神
 靈上 神主奏訖贊四拜興贊跪獻酒讀祝俯伏興贊
 四拜舉哀興哀止內侍啓積受主訖跪奏請 神主降
 座陞輿奉 神主陞靈輿至獻殿上內侍跪奏請 神
 主降輿陞座奉 神主即座訖行初虞禮執事官陳禮
 饌于 神主前設 皇太子拜位于香案前內侍引
 皇太子就拜位贊四拜興贊行初獻禮贊跪 皇太子
 跪奠帛奠酒讀祝畢俯伏興亞獻終獻贊四拜舉哀興
 哀止望瘞禮畢內侍捧神帛箱埋于殿前屏處潔地焚

凶器于野葬日初虞柔日再虞剛日三虞後間日一虞
 至九虞止在途 皇太子行禮還京 皇帝親行禮
 神主啓行將還內侍於 神主前跪奏請 神主降座
 陞輿還京奏訖俯伏興於 靈座上奉 神主陞靈輿
 進行儀仗侍衛如儀 皇太子後隨在途仍朝夕奠
 神主還京先於城外置幄次錦衣衛教坊司備鼓吹不
 作百官衰服奉候城外 神主至入幄次百官序列于
 前行五拜三叩頭禮畢候 神主進行百官後從至
 午門外儀衛等退導引官導 皇帝衰服奉迎于 午

門外 神主至舉哀步導 神主陞 几筵殿內 皇帝立于殿上稍東西向內侍於 靈輿前跪奏請 神主降輿陞座奏訖捧 神主安奉于 靈座訖行安神禮執事官陳設如常儀內導引官導 皇帝詣拜位奏四拜興奏跪奠酒讀祝俯伏興奏四拜舉哀興哀止奏禮畢 皇太子 親王以下陪拜如常儀百官於 思善門外隨班行禮傳唱如儀明日百官行奉慰禮虞祭內侍陳禮饌拜位于 几筵前如常祭儀內導引官導 皇帝衰服詣拜位 皇太子 親王以下衰服各就

拜位行四拜禮初獻奠帛獻酒讀祝亞獻終獻贊四拜舉哀興哀止望瘞禮畢卒哭用虞祭後剛日禮同虞祭自是惟朝夕奠祔享用卒哭之明日太常寺陳設禮饌于 太廟如常享儀樂設而不作設儀衛繖扇于 午門外內侍官設 皇帝拜位于 几殿筵上進 御輦于 殿前 丹陛上內導引官導 皇帝衰服詣拜位贊四拜舉哀興哀止立於拜位之東西向內侍詣 靈座前跪奏請 太宗文皇帝神主降座陞輦詣 太廟祔享奏訖內侍捧 神主由殿中門出安奉于 御輦

內侍執繖扇侍衛如儀至 思善門外 皇帝易祭服
 陞輅後隨至門外儀衛繖扇列于 太廟南門外之左
 右導引官導 皇帝詣 御輦前贊跪 皇帝跪太常
 卿跪奏請 太宗文皇帝神主降輦詣 太廟祔享奏
 訖贊俯伏興 皇帝俯伏興導引官導 皇帝捧 神
 主由左門入典儀唱樂舞生就位執事官各司其事至
 丹陛典儀唱 太宗文皇帝謁 廟內贊奏請
 神主前至 廟前內侍捧 神主置褥位朝于北 皇
 帝于 神主後行八拜禮 各廟俱八拜禮畢內侍捧

神主太常卿立壇東西向唱賜座 皇帝揖立內侍
 捧 神主進于 皇帝 皇帝捧 神主安于座導引
 官導 皇帝詣拜位行祭禮如時享儀文官五品以上
 武官四品以上隨班行禮禮畢太常卿於 神主前跪
 奏請 太宗文皇帝神主還 几筵奏訖導引官導
 皇帝捧 神主由 廟左門出至門外安奉于 御輦
 儀衛繖扇導從如未儀 皇帝陞輅後隨至 午門外
 儀衛止 皇帝 至 思善門降輅釋祭服易衰服隨
 御輦至 几筵殿前內侍於輦前跪奏請 神主降輦

降座內侍奉 神主陞座訖內導引官導 皇帝由殿
左門入行安神禮如前儀禮畢 皇帝釋服還宮明日
百官素服烏紗帽黑角帶行奉慰禮 一大祥奉安
神主神座儀物于 太廟前一日遣官祭告 太廟至
日 上祭告 几筵殿 皇太后 皇后以下各祭一
壇 王府遣官共祭一壇在京文武官員共祭一壇
一禫祭遣 親王詣 陵行禮

仁宗洪熙元年 遺詔山陵制度務從儉約喪制用日易
月皆以二十七日釋服毋禁嫁娶音樂在外 親王藩

屏絕重不可輒離本國各處總兵鎮守備禦重臣及文
武大小官員亦毋擅離職守聞喪之日止於本處朝夕
哭臨三日悉免赴 闕行禮其本部奏議事宜自聞喪
日為始不鳴鐘鼓在京禁屠宰十三日 諸王世子郡
王及王妃郡主以下並遵 遺詔喪服二十七日而除
既上 尊謚禮畢乃頒 詔是日百官素服烏紗帽黑
角帶先俟於 承天門外 上翼善冠素服黑角帶
御奉天門執事官入行五拜三叩頭禮鴻臚寺官奏請
陞殿鳴鞭訖序班設 詔案尚寶司用寶畢鳴贊唱請

頌 詔以 詔授禮部官置于案序班舉案由左門出
用傘導至 承天門文武百官先行四拜禮平身贊禮
稱有 制百官跪聽開讀訖再行四拜禮禮畢百官以
次出祔 廟後 上仍素服 御西角門視朝遇時享
等禮太常寺奏祭祀其日早鳴鐘鼓 上始服黃袍御
奉天門視朝時享畢仍素服 御西角門視朝至禋
祭後始釋素服

憲宗成化二十三年大祥以後儀 前期三日齋戒前一
日遣官詣 太廟行祭告禮用祝文至日侵晨設酒果

於 几筵殿設 神主輦一 冊寶亭二于殿前 丹
陛上 上服淺淡服行祭告禮畢司禮監官詣 几筵
殿前跪奏請 神主陞輦詣 太廟奏訖內侍俸 神
主 冊寶俱由殿中門出安奉于輦及 冊寶亭內侍
擎執繖扇侍衛如儀 上隨行至 右順門 上易祭
服陞輅後隨至 午門外儀衛繖扇導至 廟街門內
儀衛繖扇分列于 太廟南門外之右 上降輅司禮
監官導 上詣 神主輦前贊跪 上跪司禮監官於
上左跪于 神主輦前奏請 神主奉安 太廟奏

訖贊俯伏興 上俯伏興導引官前導內侍捧 神主冊寶前行 上後隨由中門入至 寢廟奉安訖 上叩頭興導引官導 上由殿東門轉至 丹陛上祭祀如時祭儀樂設而不作用祝文文武官具祭服隨班行禮祭畢 上仍祭服陞輅請 武英殿前降輅陞 几筵殿奉迎 神位內侍舉 神位亭前行由中門出 上陞輅後隨由 思善門外入至 奉先殿門外 上降輅司禮監官導 上詣 神位亭前贊跪 上跪司禮監官於 上左跪于 神主亭前奏請 神位奉安

奏先殿奏訖贊俯伏興 上俯伏興導引官前導內侍於亭內捧 神位前行 上後從由中門入至 奉先殿奉安訖 上叩頭興就位行祭告禮用酒果用樂用祝文至禫祭免朝一日擇日遣官詣 陵致祭

世宗嘉靖四十五年 遺詔喪禮依舊制以日易月 宗室 親王 郡王各處總督鎮巡三司官各於本處朝夕哭臨三日進香差官代行衛所府州縣并土官並免進香郊社等禮及祔葬祔享各稽 祖宗舊典斟酌改正 十二月庚子日部議 一發喪 殿下括髮詣

大行皇帝宮內舉哀哀止辛丑小殮括髮設奠不用舉

哀歸喪次 皇貴妃等妃 殿下妃 皇孫 涇簡王

等妃 景共王妃 寧安公主舉哀禮同哀畢各歸喪

次是日頒 遺詔 一壬寅大殮 殿下素服束髮詣

大行皇帝前舉哀設奠不用文大殮奉安 梓宮設

几筵安 神帛立 銘旌哭盡哀 皇貴妃 殿下妃

皇孫及 各王妃 公主哭臨禮皆同 一成服

殿下服哀服詣 梓宮前舉哀行奠祭禮 皇貴妃

殿下妃 皇孫及 各王妃 公主皆成服各設祭一

壇六尚及宮人各隨祭禮畢各歸喪次是日內宮內使

祭一壇以上祭俱用文次日公侯駙馬伯五府六部等衙門共

一壇文武三品以上命嬪共一壇 一每七及百日

殿下壇 皇貴妃等妃共一壇 殿下妃一壇 皇

孫一壇 涇簡王等妃共一壇 景恭王妃一壇 寧

安公主一壇 一內外官員軍民人等及各王府夷

使禮並與洪武永樂同

穆宗隆慶元年孟春享 太廟以 世宗喪禮尚在二十

七日之內禮部題准照 弘治十八年例暫遣官行禮

樂設而不作免陞殿奏祭祀齋戒之日 上于喪次致齋陪祀官俱暫免 是年正旦後 世宗喪禮成服畢 上始服衰服 御宣治門視事百官素服服腰經行奉慰禮以後朝參並同至二十七日滿 上易素翼善冠麻布袍腰經 御宣治門視事俱不鳴鐘百官素服烏紗帽黑角帶皂靴朝參辦事 二月祭先師孔子及朝日壇歷代帝王以 梓宮在殯議准照弘治十八年例免請陞殿及傳 制令太常寺具本奏知仍各遣官行禮樂設而不作致齋之日照天順八年例 上具黃

素袍翼善冠百官具淺淡色服朝參陪祀執事官至期仍各祭服行禮本月祭大社大稷議准仍請 上親祭餘並同前例 三月 世宗祔 廟畢次日免朝百官烏紗帽黑角帶青圓領辦事又次日 上具黑翼善冠黑犀帶淺淡袍服御 皇極門百官仍烏紗帽黑角帶淺淡色服行奉慰禮以後俱 皇極門視事鳴鞭鳴鐘鼓如 累朝例 是年孟夏享 太廟以 世宗神主尚在 几筵照正德元年例先一日 上具常服祭告 几筵祇請詣 廟享祀以後遇 太廟時享祫祭大

祥內皆如之其鴻臚寺奏請陞殿太常寺奏致齋及祭
畢 聖駕回宮俱樂設而不作

皇太后 皇后喪禮

太祖洪武十五年定 高皇后喪禮 一聞喪次日文武
百官素服行奉慰禮 一在京文武百官於聞喪之四
日清晨素服詣 右順門外具喪服入臨臨畢表服行
奉慰禮第二日第三日禮同 一文官一品至三品武
官一品至五品命嬪於聞喪之四日清晨素服至 乾
清宮具喪服入臨行禮不許用金珠銀翠首飾及施脂

粉喪服用麻布蓋頭麻布衫麻布長裙麻布鞋 一在

京文武百官及聽除管官人給布一疋自製喪服 一

文武官員皆服斬衰自成服日為始二十七日而除仍

素服至百日始服淺淡顏色衣服 一在外文武官喪

服服制與在京官同聞訃日於公廳成服三日而除命

婦同亦三日而除 一軍民男女皆素服三日 一自

聞訃日為始在京禁屠宰四十九日在外三日停音樂

祭祀百日停嫁娶官一百日軍民一月 一上 冊謚

祭告 太廟 一發引文武百官具喪服詣朝陽門外

奉辭 神主還宮文武百官素服迎於朝陽門外回

宮百官行奉慰禮 一卒哭行祔 廟禮 一百官輟

朝祭告 几筵殿百官素服黑角帶詣 中右門行奉

慰禮命婦詣 几筵殿祭奠 一凡遇時節及忌日

東宮 親王祭 几筵殿及詣 陵拜祭 一小祥

上素服烏犀帶輟朝三日是日清晨詣 几筵殿行祭

奠禮東宮 親王詣 陵拜祭京城禁音樂三日禁屠

宰三日百官前期齋戒至日素服黑角帶詣後右門進

香畢行奉慰禮是日外命嬪詣 几筵殿行進香禮

東宮 親王熟布練冠九緞去首經負版辟領衰如朝

見 上位及受百官啓見素服烏紗帽黑犀帶 皇孫

熟布冠七緞去首經負版辟領衰 皇妃 皇太子妃

王妃 公主及 皇孫女熟布蓋頭去腰經 宗室

駙馬服齊衰三年練冠去首經 一大祥奉安神主于

奉先殿預期齋戒告 廟百官陪祀畢行奉慰禮各

王國禁屠宰三日傳音三日

成祖永樂五年定 文皇后喪禮 一自次日為始輟朝

不鳴鐘鼓 上素服御 西角門文武百官素服烏紗

帽黑角帶詣 思善門外哭臨畢行奉慰禮明日如之
又明日早文武官成服詣 思善門外哭臨畢易素服
行奉慰禮凡三日皆如之 一文武百官自次日為始
各就公署齋宿至二十七日而 一文武四品以上命
婦成服日為始喪服詣 思善門內哭臨三日而止
一聽選辦事等官各喪服人材監生吏典僧道坊廂耆
老各素服自成服日為始赴應天府舉哀三日 一內
外宗室皆成服二十七日而除 一止天下大小衙門
各遣官進香 一成服後祭祀 皇親駙馬各一壇公

侯伯共一壇五府同錦衣衛共一壇六部都察院同文
職大小衙門共一壇文武官四品以上命婦共一壇
一百日 上及皇妃 皇太子 皇太子妃 皇孫
親王及妃 公主以下及在京文武官并命婦各
祭一壇 一週年祭如百日儀百官詣 西角門行奉
慰禮在京禁音樂停屠宰七日 一凡遇時節祭祀
上位一壇 皇妃 東宮 皇孫 各王 長公主
公主 各王妃各祭一壇

英宗正統七年定 誠孝皇太后喪禮 遺詔喪服以日

易月二十七日而除哭臨三日即止 君臣皆同 皇
帝成服三日後即聽政天地 宗廟社稷及百神之祀
皆勿停 宗室諸王但遣官進香不必送喪在外大小
文武衙門並免進香臣民之家勿禁音樂嫁娶 本部
議奏事宜 一自聞喪日為始不鳴鐘鼓 一諸 王
世子 郡王及 王妃 郡主以下聞訃皆哭盡哀行
五拜三叩頭禮畢易素服第四日始衰服二十七日而
除 一在京文武官聞喪素服烏紗帽黑角帶自明日
始至第四日每旦詣 思善門外哭退於本衙門宿歇

不飲酒食肉第四日具斬衰服至 思善門外朝夕哭
臨三日各十五舉聲止凡入朝及內外衙門視事用布
裹紗帽黑角帶素服腰經麻鞋退即服衰服通前二十
七日而除 一文武官一品至四品命婦麻布大袖圓
領長衫蓋頭清晨由 西華門入至 思善門外哭臨
三日悉去金銀首飾仍素服二十七日而除 一在京
以聞喪日為始禁屠宰十三日 一軍民素服婦人素
服不粧俱以聞喪日為始二十七日而除 一外國四
夷使臣行哭臨禮工部造與孝服隨朝官哭臨及行祭

禮 一在京文武官非朝奉官及聽選辦事官監生吏
典耆老僧道聞喪即易素服自次日至第三日每旦赴
順天府朝 闕設香案哭臨至第四日官各具斬衰服
監生人等素服朝夕哭臨三日各十五舉聲止仍各素
服通前二十七日而除 一 遺詔到日在外文武官
員人等素服烏紗帽黑角帶行四拜禮跪聽宣讀訖舉
哀再行四拜禮畢各置斬衰服於衙門內望 闕設香
案朝夕哭臨三日各十五舉聲止自是素服通計二十
七日而除 一在外官員命婦聞喪素服舉哀三日各

十五舉聲素服通前二十七日而除軍民男女止素服
十三日 一南京文職二品武職一品以上衙門在京
中都留守司布政司按察司及總兵官差人進香其餘
衙門皆免

世宗嘉靖二年 肅皇帝萬壽聖節以 孝惠皇太后服
制未滿先期免習儀至日早于 奉先殿行 孝慈高
皇后忌辰祭禮畢 上服黃袍御 奏天殿錦衣衛設
鹵簿駕如常儀鳴鐘鼓鳴鞭教坊司作樂文武百官
具朝服先行四拜禮致詞又四拜免鷄唱山呼舞蹈等

禮表文免宣讀綵段陳設送 內府交收 七年定

孝潔皇后喪禮 一初喪三日 上服素冠服 一成

服日為始 上玄冠素服 御西角門視朝十日畢易

玄冠玄衣 御奉天門視朝鳴鐘鼓鳴鞭如常朔望日

暫免 陞殿 一文武百官十日內俱布冠素服經帶

朝恭十日之後入 左掖門則烏紗帽青衣侍班奏事

退出公衙及居秘室素服白帽通二十七日而除待

梓宮發引之後服常服 一在京在外禁屠七日 一

上于 奉先等殿行禮并朝 兩宮俱常服于 几

筵祭則服其服滿之日命內官代之 一 兩宮遣官

祭如常儀 一 上祭儀內贊奏就位上香奠帛奠酒

上立以帛酒各授執事奠于靈前贊讀祝讀者立讀

祝文畢贊舉哀 上就位哭贊哀止焚祝帛禮畢 十

七年 章聖皇太后服既除 上常服俱畢布至喪次

仍素服百官俱青色冠服郊有事吉服作樂 廟有事

淺色服不作樂 十八年正旦以 章聖皇太后未南

祔 上具翼善冠黃袍御 奉天門鳴鐘鼓奏堂下樂

鳴鞭百官具公服行禮八月 萬壽聖節以 南祔未

久行禮如正旦儀九月小祥 上同 后妃謁 几筵
致祭公侯駙馬伯文官三品以上大臣各具青服陪拜
顯陵 勲戚大臣一員捧祀帛往 是年定 章
聖皇太后 梓宮南祔儀 一先期 勅命勲戚重臣
一員充奠獻使并護行武職大臣一員管領官軍扈侍
梓宮行禮部堂上官一員監禮扈行題 王大臣一
員護喪內侍官并入 皇堂內官內使匠作太常少卿
一員執事官十人鴻臚寺少卿一員屬官等十人光祿
寺少卿一員四署官四人錦衣衛指揮一員千百戶四

人各供事給事中御史各二員監視糾察欽天監官一
員率博士一員安奠候時五府九卿等衙門分官奉送
梓宮俱照 欽點職名各送至張家灣水次恭祭而
回工部委官會同內官監先期于通州及張家灣水次
二處搭蓋奉安 梓宮席殿及 朝陽門至通州各處
祭所席棚及行文沿路府州縣各該有司預于水次搭
蓋祭所席棚 一前期二日百官及 皇親命嬪文武
官三品以上命婦俱衰服每日早詣 慈寧宮門外哭
臨命嬪設祭一壇免朝禁屠宰音樂至神主回京日止

一前期六日以 皇妣祔葬 顯陵祭告 太廟
 睿宗廟遣官分告 列聖 羣廟越二日 上吉服告
 天地神祇壇祭品行禮俱如常儀百官陪拜又二日
 上預告 几筵內侍官陳設牲醴如常儀 上具衰
 服內導引官導 上詣拜位奏四拜奠帛三奠酒讀祝
 俯伏舉哀哀止奏四拜興焚祝帛禮畢 一設奠辭靈
 昭聖皇太后遣祭一壇 武廟皇妃一壇 皇后一
 壇 皇妃皇嬪各一壇 皇太子一壇 裕王 景玉
 仁和大長公主等一壇 涇簡王妃一壇內宮內使

共一壇是日遣官祭告各門各諸神廟并慈寧門 思
 善門 右順門 午門 端門 承天門 御橋 大
 明門俱遣內官行禮玉河橋朝陽門并橋關王廟顯靈
 宮靈濟宮城隍廟東嶽廟真武廟俱遣太常寺官行禮
 祭用酒果醢脯香帛司禮監禮部錦衣衛提督執事者
 設 大昇輿于 午門外至 大明門外 一啓奠內
 侍官陳設酒饌拜位如常儀內導引官導 上俱衰服
 詣拜位奏拜奠讀祝舉哀禮畢內侍官跪奏請 慈孝
 獻皇后 梓宮陞 龍輜內侍官先捧 謚冊寶由殿

中門出置輿內次奉 祭主由中門出奉安輿內次香
 亭安置訖內侍官捧 銘旌由中門出 梓宮降殿執
 事官奉登 龍輜訖以綵色帷幕障飾 梓宮執翼者
 分列左右內使擎執繖扇侍衛如常儀 儀仗用存
日所御者 謚
 冊寶輿香亭銘旌以次先行 上至 梓宮前跪內侍
 官跪奏謹請 皇妣靈駕進發 上由殿在門出宮眷
 皆哭後隨至 午門內侍官跪奏請 靈駕安止安定
 行祖奠禮 一祖奠內侍官陳設酒饌拜位如常儀內
 導引官導 上衰服拜奠讀祝舉哀畢內侍官跪奏請

靈駕進發執事者進 大昇輿奉安遂行 上率宮
 眷隨至 端門外行朝 祖禮 一朝 祖 欽定捧
 主官九員俱具青服恭捧 各廟主詣 太廟奉安訖
 太常寺陳設脯醢酒果子 列聖位前不奠獻執事官
 先設褥位于 太廟丹陛正中 梓宮至 端門外
 上具青服太常寺導引官導 上詣 祭主輿前跪太
 常卿跪于 上之左奉請 慈孝獻皇后朝 祖 上
 捧 祭主由 太廟中門入至 太廟丹陛上立典儀
 唱迎神各捧主官上香退典儀唱行朝 祖禮太常卿

進立于殿中北向內贊奏跪 上捧 桑主跪捧于褥位內贊奏謁辭太常卿跪奏曰 孝玄孫嗣皇帝御名謹奉 慈孝獻皇后謁辭訖內贊奏四拜禮興平身上跪捧 桑主起立太常卿奏曰禮畢請還宮捧主官納 主還 各廟 上捧 桑主退至陞東西面立隨列聖主後出安亭內行辭奠禮 一辭奠先期太常寺官于 承天門內陳設牲醴如常儀內侍官設 上拜位設官眷帷幕于近西 桑主朝 祖禮畢 上易衰服太常寺導引官導 上詣拜位內贊奏上香奏二

拜興儀唱奠帛三獻讀祝俯伏舉哀哀止奏二拜焚帛祝禮畢 上退 宮眷入拜哭盡哀止太常寺官跪奏請 靈駕進發 上攀送而還 宮眷俱還司禮監禮部錦衣衛官提督輿亭儀衛等以次前行 梓宮出承天門 大明門轉東由 朝陽門出大樂鼓吹前導設而不作 一遣奠先期太常寺執事官于 朝陽門外陳設牲醴如常儀 梓宮至太常寺導引官引奠獻使詣拜位行四拜禮奠帛奠酒讀祝俯伏舉哀哀止贊四拜興焚祝帛禮畢太常寺官詣 梓宮前跪奏請

續文獻通考 卷三百三十一 禮考 三十九

梓宮啓行 一路祭公侯伯五府九卿等衙門官員者

老人等共祭一壇朝陽關外五里僧道官共一壇通州皇親及

駙老共祭一壇各衙門奉送 梓宮官員一壇俱張家灣

一京城至張家灣沿途市巷軍民男婦遇 梓宮至皆

跪俯伏舉哀候 梓宮過輿 一 大昇輿行沿途校

尉昇送選委用官同錦衣衛官專一提督務要起止有

節行步安穩送奠官員人等不許逼近儀仗失次喧嚷

有失禮儀者聽糾儀官舉奏 一題 主前期內侍官

設 神座香案于通州席殿內 靈駕至奉安訖奠獻

使行上食禮畢退執事官陳設祭品設題 主案于香

案前西向奉 桑主置案上奠獻使具青服百官俱釋

衰具青服陪拜太常寺官引使就拜位贊三上香訖贊

四拜興百官分侍左右題主官盥手西向立恭題訖內

侍官捧 主奉安 神座命官青服行降神禮 一降

神典儀唱執事各司其事贊就位贊上香復位贊四拜

百官唱奠帛行初獻禮獻爵讀祝亞獻終獻贊四拜焚

祝帛禮畢太常官跪奏請 慈孝獻皇后神主降座陞

輿命官捧 主陞輿還京內侍官捧 桑主用白韜櫃

靈駕行內執事官焚楮駕函儀于野 一次日 神

主回京內執事官備儀衛教坊司大樂鼓吹前導至道

中行享神禮 命具青綠錦繡服色百官同 典儀唱執事

官各司其事贊就位贊上香復位贊四拜百官同 唱奠帛

行初獻禮獻爵讀祝亞獻終獻贊四拜焚祝帛禮畢

神主與行至朝陽門 命官具吉服隨行百官同 至 午

門外儀衛等退內導引官導 神主入 上具常服率

皇后 宮眷等迎 神主于 慈寧宮門外 武廟

皇妃 公主 涇簡王妃等迎于 宮內俱吉服 神

主至 几筵殿內 上立于殿東稍南西向 皇后

皇妃以下序立于殿西稍南東向內侍官詣 靈輿前

跪奏請 慈孝獻皇后神主降輿陞座畢 上捧 神

主奉安于靈座訖行安神禮內執事官陳設牲醴如常

儀內導引官導 上詣拜位奏拜奠讀祝禮畢 后妃

以下入行四拜禮鴻臚寺官引百官于 慈寧宮門外

隨班行禮傳贊如儀 一 神主與行奠獻使等官行叩頭

禮上食畢太常寺官跪奏奉請 梓宮啓行至張家灣

奉 梓宮登舟奉安訖行祭告禮太常寺官陳設奠獻

使行禮如常儀各衙門奉送官俱陪拜祭畢舟祭沿途
每日三上食奠獻官俱素冠服詣梓宮前行三叩頭
禮如常儀神宮監尚食監恭辦上食饌五樣蔬果酒膳
一經過有王府去處許王素服出迎致祭該府
官預陳設祭物于水次席殿其附近王府許遣輔導
官致祭行禮一南京守備文武衙門各處鎮巡三司
官梓宮舟經及附近去處俱致祭舉哀與王府遣
官同所轄有司大小官員通許陪拜致祭品物簇盤一
座豕一羊一果五盤點心五盤飽堞五盤
俱顏花
用紙花案酒

五樣菜五碟粉湯五盃飯五盃帛一段酒三爵香燭紙

陳設
如儀

一梓宮自通州登舟抵承天府張家灣祭潞

河之神天津祭海口之神安平鎮祭龍王之神徐州呂

梁二處祭洪神淮河口祭淮瀆之神儀真南京祭大江

之神彭澤祭小孤山之神九江之神漢江之神所過大

川俱用牲醴致祭俱勲臣具青服行禮其各處應祀水

府之神開載未備者臨期斟酌致祭是年以章聖

皇太后梓宮至承天合塋顯陵一先期遣官祭告

顯陵光祿寺官陳設牲醴百官陪拜如儀一舟至

承天府太常寺官陳設祭告牲醴如儀百官俱衰服奉迎梓宮陞席殿奉安訖奠獻使行祭告禮師生耆老人等俱隨班拜奠獻使先詣睿宗舊寢前行禮畢奉遷睿宗梓宮安于祿恩殿復詣聖母梓宮前候發執事官先陳龍輜于祿恩殿門外候大昇輿至太常官詣前跪奏請靈駕降輿陞龍輜詣祿恩殿執事官奉梓宮陞龍輜由中門入奠獻使由左門入詣祿恩殿奉安訖謚冊寶輿仍設于前一安神執事官陳設酒饌如常儀設奠獻使拜位于

二聖梓宮前內侍官引奠獻使詣拜位行禮執事撫按等官陪拜一以合奠祭告后土并純德山之神設牲醴如常儀一遷奠執事官陳設酒饌如常儀奠獻使詣拜位舉哀行禮退候掩玄宮時至太常官引詣二聖梓宮前跪太常奏請靈駕赴玄宮奠獻使俯伏興執事官陞奉遷二聖梓宮進皇堂奉安訖太常官同內侍官奉謚冊寶置于前陳列冥器等畢行贈禮一贈禮內執事官陳設酒饌于皇堂門外奉玉帛置于案奠獻使詣拜位贊四拜禮奠酒受玉帛獻

畢以授內執事捧入 皇堂安置訖俯伏興贊四拜舉
哀興贊贈事畢遂掩 玄宮行享禮執事官陳牲醴于

玄宮前如常儀太常官引使詣拜位行禮百官陪拜

一掩 玄宮畢太常寺官同內侍官恭奉 桑主并

魂帛奉藏于 玄堂外遣官祭謝后土并純德山之神

陳設酒饌如常儀 禮同 祭告 奠獻使執事等官回京復 命

二十年以 昭聖皇太后喪服令大享齋戒服吉正

祭用樂時裕齋戒權用青綠花樣樂設而不作

二十六年以 孝烈皇后喪服題准歲春大裕來歲

孟春時享各齋戒權用青綠花樣樂設而不作其啓蟄

祈穀齋戒服吉用樂 二十七年 梓宮未發題准夏

至大祭地于方澤照祈穀例齋戒服吉用樂 是年定

孝烈皇帝喪禮 一發喪 上素冠服詣 大行皇

后宮舉哀設奠畢歸喪次 皇妃 東宮 裕王 景

王 公主皆素服舉哀設奠畢各歸喪次次日及第三

日同 一成服 上素服詣 大行皇后宮舉哀設奠

大殮奉安 梓宮設 几筵安神皇立 銘旌 上具

喪服 皇妃 東宮 裕王 景王 公主等皆成服

行祭禮畢歸喪次 上祭一壇 皇妃共祭一壇 東
宮祭一壇 裕王 景王共祭一壇 公主共祭一壇
涇簡王妃祭一壇內官內使共祭一壇是日公侯駙馬
伯五府六部等衙門官共祭一壇文武官三品以上命
婦共祭一壇 一每七及百日 上及 皇妃以下各
祭一壇 一聞喪次日為始輟朝不鳴鐘鼓文武百官
素服烏紗帽黑角帶詣思善門橋南哭臨畢退于金水
橋南伺候 上素服御 西角門文武百官行奉慰禮
退于本衙門宿歇不飲酒食肉次日同 一成服日為

始 上素冠素服十二日十二日易淺色服視 朝俱
在西角門文武百官十二日內俱布帽素服經帶朝叅
十二日之後烏紗帽黑角帶素服通前二十七日而除
上御奉天門視朝服常服百官淺色衣鳴鐘鼓鳴鞭
如常朔望日暫免陞殿侍 梓宮發引之日百官服常
服 一成服日百官各具斬衰服詣思善門橋南朝夕
哭臨三日各十五聲而止每日早臨畢退易素服仍入
金水橋南伺候西角門行奉慰禮如前凡在衙門視事
用布裹紗帽垂帶素服經帶麻鞋退居即服孝服通前

二十七日而除 一文武官員一品至三品命嬪麻布大袖圓領長衫麻布蓋頭清晨由西華門入思善門哭臨三日而止不許戴金銀首飾仍素服二十七日而除 一在京諸寺觀各聲鐘三萬杵聞喪日為始禁屠宰七日 一軍民素服婦人素服不妝飾俱以聞喪日為始二十七日而除 一聽選官辦事官監生吏典僧道坊廂人等聞喪即易素服次日至第三日皆清晨赴順天府朝 闕設香案哭臨至第四日官各具斬衰服監生人等素服朝夕哭臨三日各十五舉聲而止仍各素

服通前二十七日而除 一各王府南京浙江等十三布政司及直隸府分禮部請 勅差官訃告 一在外親郡王及 世子 王妃以下聞訃皆哭盡哀行五拜三叩頭禮畢易素服第四日服斬衰服二十七日而除 一在外文武官員人等聞訃日素服烏紗帽黑角帶于本衙門宿歇不飲酒食肉次日具斬衰服率官僚人等于衙門朝 闕設香案朝夕哭臨三日各十五聲而止自是素服通前二十七日而除軍民男女止素服十三日 一各王府及在外文武衙門俱免進香 一

成服後三日在京文職七品以上武職三品以上衙門
陸續赴思善門外進香每日鴻臚寺朝退後由西華門
引入思善門前行禮司禮監官捧進 几筵前一
梓宮未發南京堂上官及朝鮮差陪臣進香服制雖滿
仍衰服行禮鴻臚寺引從西華門入陪臣衰服工部製
給一冊謚及發引以下與 大喪同但八虞九虞
俱于 宮中遣內官行禮

穆宗隆慶元年 孝潔肅皇后遷祔 永陵儀 孝恪皇
后同 尊謚冊寶先遣官即 陵園行禮訖 勅命奉

遷官一員詣 陵供事啓攢先一日遣官以祔葬告天
地 宗廟社稷用祝文祭告行禮如常儀司禮監禮部
錦衣衛官提督執事者設 大昇輿于 享殿門外奠
儀以次陳設各衙門先期分官素冠服詣 陵園伺候
騎送至 永陵是日啓 玄宮見 梓宮行祭告禮執
事官陳設酒饌如常儀內贊引奉遷官詣拜位贊四拜
奠帛獻酒讀祝俯伏興四拜焚幣帛祝文禮畢 梓宮
奉遷出 享殿行啓奠禮執事官陳設酒饌如常儀內
贊引奉遷官詣拜位贊四拜奠帛獻酒讀祝俯伏興四

拜焚幣帛祝文禮畢壙安原安奉玄纁玉璧五穀等物
就於壙側埋瘞啓奠畢行祖奠禮執事官進 龍輜于
享殿下設 真亭 神位輿 謚冊寶輿于殿前執
事官陳設酒饌拜位如常儀內贊引奉遷官詣拜位贊
四拜奠帛獻酒讀祝俯伏興四拜焚幣帛祝文讀畢祖
奠畢內侍官詣 梓宮前跪奏請 靈駕進發內侍先
捧 謚冊寶次捧 神位銘旌俱由殿中門出各奉安
輿內 梓宮降殿內侍官跪奏請 梓宮陞 龍輜執
事官奉登 龍輜啓行執翼者分列左右內侍擎繳扇

侍衛如常儀 梓宮至 陵園門外 梓宮陞 大昇
輿行遣奠禮如常儀遣奠禮畢內侍官于 梓宮前跪
奏請 靈駕進發司禮監官率儀衛 謚冊寶輿等前
行鼓樂前導設而不作禮部錦衣衛官提督葬儀等以
次前行沿途軍民男女人等輳集之處遇 梓宮至皆
跪俯伏候 梓宮過而興工部先期搭蓋 席享殿于
永陵獻殿之右候 大昇輿至禮官奏請陞 龍輜
詣 享殿行安神禮執事官陳設酒饌如常儀內贊引
奉遷官詣拜位贊四拜奠帛獻酒讀祝俯伏興贊四拜

焚帛祝分送官俱于 享殿外陪拜禮畢分送官回京

將掩 玄宮時行遷奠禮奉遷官詣 梓宮前贊四拜

焚帛祝退俟掩 玄宮時至奉遷官詣 梓宮前跪內

侍奏請 靈駕赴 玄宮奉遷官俯伏興 梓宮進

皇堂安奉訖內侍官奉 謚號寶置于前陳列冥器等

畢行贈禮贈禮畢行享禮 時 世宗肅皇帝梓宮至

永陵遣官祭告 后土 天壽山并 長陵等 陵

掩 玄宮日遣官祭謝后土 天壽山并 長陵等

陵祝文中俱以 孝潔肅皇后 孝恪皇后祔葬一併

告謝奠畢奉遷官暫奉安 神主于殿內 神主還京

至城幄次文武百官青衣素服序列于幄前行五拜三

叩頭禮 神主至 午門外 上具翼善冠淺淡色服

黑犀角帶奉迎于 午門外 上步行前導至思善門

外 皇后 皇子及 宮眷等迎于門內 神主輿至

奉先殿門外內導引官導 上詣 神主輿前跪內

侍官跪奏請 神主謁 奉先殿 上奉 神主由殿

左門入跪置神 主于褥位俯伏興贊五拜三叩頭禮

畢 上跪捧 神主輿由殿左門出安奉輿內復至

世宗肅皇帝几筵前行謁 几筵禮畢 上捧 神主
出安奉輿內至獻殿門外內侍官奏請 神主降輿陞
座 上捧 神主奉安訖行安神禮 上詣拜位贊四
拜行初獻禮奠帛獻酒讀祝俯伏興亞獻終獻復贊四
拜焚帛祝禮畢 皇后 皇子以下以次入拜行謁見
四拜禮

今上萬曆三年 孝烈皇后 孝恪皇后神主遷祔 永
陵儀先期 命大臣一員先詣 永陵行祭告禮一員
護送 神主至殿內侍官先于 永陵殿內會同神宮

監官陳設各合用 神座 几案 冊寶衣冠等案是
日 弘孝 神霄二殿行奉遷禮畢 神主輿由中門
出至 午門外錦衣衛前導由 端門 承天門 長
安左門俱中門出由德勝門詣 陵百官青衣角帶先
詣德勝關外候 神主輿至入班行五拜三叩頭禮輿
過方退 神主輿至紅門外內侍官各詣 二后神主
輿前跪請捧 神主出輿由右門入復陞輿至 永陵
由中門入至 享殿門外內侍官各捧入 孝烈皇后
神主奉安 世宗肅皇帝神寢之左室 孝恪皇后神

主安于右室 冊寶衣冠俱各奉安于室訖遣官行安神禮禮畢回京復命

皇妃喪禮

成祖永樂十八年定 一聞喪輟朝五日 一初喪祭祀
上位祭一壇 皇后祭一壇 皇妃祭一壇 皇太子祭一壇 親王共祭一壇 公主共祭一壇 一贈謚冊文行焚黃禮 一七七百日週年二週年每次祭祀壇數與初喪同 一開塋域遣官祠后土 一行內外衙門造辦喪儀銘旌冥器等項 一祭引前期辭靈

祭祀壇數與初喪同惟增六尚司祭一壇內官內使祭一壇 一啓奠祖奠遣奠各遣祭一壇 一發引日文

武百官各素服烏紗帽黑角帶送至路祭處所 皇親

駙馬共一壇公侯伯文武衙門共一壇外命嬪共一壇

一過門祭祀

內門遣內官外門遣太常寺官行禮

一下葬遷奠遣祭

一壇 一掩壙遣官祠后土 一迎靈轎至享堂行安

神禮遣祭一壇

英宗天順七年初喪七七百日周年三周年辭靈各增祭

一壇

世宗嘉靖二十九年 皇貴妃王氏喪禮 一初喪增六

尚司祭一壇內官內使共祭一壇 一行翰林院撰

謚冊文及各祭文擴誌文 一焚黃 用黃絹裝禱如冊 樣兩葉寫冊文

是日陳設祭儀以祝文及冊文置於靈前遣司禮

監官行禮獻爵讀祝訖女官宣冊禮畢焚祝文冊

一靈柩前儀仗內使女樂三十二人并花幡雪柳女隊

子二十八人女將軍二十四人 一靈柩至墳園奉安

御祭一壇 遣護喪內官行禮 其餘各祭俱同前 一墳園及

各壇路祭并靈柩頓歇處所行工部預為搭蓋席殿

其輓歌執紼人等該用孝巾孝帶俱工部釋行 內府

該衙門製造 是年定未封 皇妃喪禮 初聞喪

賜封號輟朝一日 御祭一壇 皇妃以下各祭一壇

俱遣內官行禮 翰林院撰冊文祝文擴誌文 擇日

行焚黃禮 七七百日週年二週年每次 御祭一壇

皇妃共祭一壇 開塋域祀后土及辭靈祭祀壇數

與初喪同 俱遣內官行禮 發引以後合行事宜同前 凡未封 妃喪葬禮

儀隆殺不 等俱禮部 開呈題請施行

續文獻通考卷之一百三十一終

<p>人地... 知... 我... 宜... 行... 此... 味...</p>	<p>...</p>	<p>...</p>	<p>...</p>	<p>...</p>
--	------------	------------	------------	------------



